

西南民俗文獻 第三卷

中國西南文獻叢書

中國西南文獻叢書編輯委員會

中國西南文獻叢書·第四輯

西南民俗文獻

第三卷



010080

本輯主 編：駱小所

副主編：羅 驥

陳 斌

高國華

本卷目錄

真臘風土記	〔元〕周達觀撰·····	一
歲華紀塵譜	〔元〕費著撰·····	六七
土官底簿	〔明〕撰人不詳·····	八七

【元】周達觀 撰

真臘風土記

《真臘風土記一卷》，元周達觀撰。達觀，温州人。本書以《四庫全書》文淵閣影印本史部地理類《真臘風土記》爲底本輯錄。原書成品尺寸爲三十點五乘二十厘米，版框尺寸爲二十二點三乘十五點三厘米。

欽定四庫全書

史部十一

真臘風土記

地理類十外紀之屬

提要

臣等謹案真臘風土記一卷元周達觀撰達觀溫州人真臘本南海中小國為扶南之屬其後漸以強盛自隋書始見于外國傳唐宋二史並皆紀錄而朝貢不常至故所載風土方物往往踈畧不備元成宗元貞元年乙未

遣使招諭其國達觀隨行至大德元年丁酉
乃歸首尾三年諳悉其俗因記所聞見為此
書凡四十則文義頗為賅贍惟第三十六則
內記瀆倫神譴一事不以為天道之常而歸
功于佛則所見殊陋然元史不立真臘傳得
此而本末詳具猶可以補其佚闕是固宜存
備叅訂作職方之外紀者矣達觀作是書既
成以示吾衍衍為題詩推挹甚至見衍所作

竹素山房詩集中蓋衍亦服其敘述之工云
乾隆四十三年三月恭校上

總纂官臣紀昀臣陸錫熊臣孫士毅

總校官臣陸費墀

卷之四

七

遠便指論其間達觀通行至大德元年丁酉
乃歸首尾三年請為其俗因記所聞見為此
書凡四十則又義頌為跋贈惟第三十六則
內記讀伶神誕一事不以為天道之常而致
功于佛則所見殊懸殊元更至其則其傳錄
此而本不詳其詳則其詳則其詳則其詳則
其詳則其詳則其詳則其詳則其詳則其詳則
其詳則其詳則其詳則其詳則其詳則其詳則
其詳則其詳則其詳則其詳則其詳則其詳則
其詳則其詳則其詳則其詳則其詳則其詳則

欽定四庫全書

真臘風土記

元 周達觀 撰

總敘

真臘國或稱占臘其國自稱曰甘孛智今聖朝按西番
經名其國曰派浦只蓋亦甘孛智之近音也自温州開
洋行丁未針厯閏廣海外諸州港口過七洲洋經交趾
洋到占城又自占城順風可半月到真蒲乃其境也又
自真蒲行坤申針過崑崙洋入港港凡數十惟第四港

可入其餘悉以沙淺故不通巨舟然而彌望皆修藤古
木黃沙白葦倉卒未易辨認故舟人以尋港為難事自
港口北行順水可半月抵其地曰查南乃其屬郡也又
自查南換小舟順水可十餘日過半路村佛村渡淡洋
可抵其地曰干傍取城五十里按諸番志稱其地廣七
千里其國北抵占城半月路西南距暹羅半月程南距
番禺十日程其東則大海也舊為通商來往之國聖朝
誕膺天命奄有四海索多元帥之置省占城也嘗遣一

虎符百戶一金牌千戶同到本國竟為拘執不返元貞
之乙未六月聖天子遣使招諭俾余從行以次年丙申
二月離明州二十日自溫州港口開洋三月十五日抵
占城中途逆風不利秋七月始至遂得臣服至大德丁
酉六月回舟八月十二日抵四明泊岸其風土國事之
詳雖不能盡知然其大畧亦可見矣

城郭

州城周圍可二十里有五門門各兩重惟東向開二門

餘向皆一門城之外巨濠濠之外皆通衢大橋橋之兩
傍各有石神五十四枚如石將軍之狀甚巨而獐五門
皆相似橋之闌皆石為之鑿為蛇形蛇皆九頭五十四
神皆以手拔蛇有不容其走逸之勢城門之上有大石
佛頭五面向西方中置其一飾之以金門之兩傍鑿石
為象形城皆疊石為之可二丈石甚周密堅固且不生
繁草却無女牆城之上間或種桃榔木比比皆空屋其
內向如坡子厚可十餘丈坡上皆有大門夜閉早開亦

有監門者惟狗不許入門其城甚方整四方各有石塔一座曾受斬趾刑人亦不許入門當國之中有金塔一座傍有石塔二十餘座石屋百餘間東向金橋一所金獅子二枚列於橋之左右金佛八身列於石屋之下金塔至北可一里許有銅塔一座比金塔更高望之鬱然其下亦有石屋十數間又其北一里許則國主之廬也其寢室又有金塔一座焉所以舶商自來有富貴真臘之褒者想為此也石塔出南門外半里餘俗傳魯般一

夜造成魯般墓在南門外一里許周圍可十里石屋數百間東池在城東十里周圍可百里中有石塔石屋塔之中有卧銅佛一身臍中常有水流出北池在城北五里中有金方塔一座石屋數十間金獅子金佛銅象銅牛銅馬之屬皆有之

宮室

國宮及官舍府第皆面東國宮在金塔金橋之北近門周圍可五六里其正室之瓦以鉛為之餘皆土瓦黃色

橋柱甚巨皆雕畫佛形屋頭壯觀修廊複道突兀參差
稍有規模其莅事處有金窓櫺左右方柱上有鏡約有
四五十而列放於窓之旁其下為象形間內中多有奇
處防禁甚嚴不可得而見也其內中金塔國主夜則卧
其上土人皆謂塔之中有九頭蛇精乃一國之土地主
也像女身每夜則見國主則先與之同寢交媾雖其妻
亦不敢入二鼓乃出方可與妻妾同睡若此精一夜不
見則番王死期至矣若番王一夜不往則必獲災禍其